

Barea Ghar_wa Ce~r_e~

Mit' Rajak' baganre babar got_en ghar_wa ce~r_e~kin tahe~kana. A_d_i mil ar gatekin tahe~kana. Ona darere e_t.ak' ce~r_e~ ho~ko basok' kan tahe~kana. Et.ak' ce~r_e~ sa~o onkinak' mon'j so_mpok tahe~kanta_kina. Onkin do_jao hilok'ge Rajak' or.ak' chadre tase akan ho_r.o_kin jo_mjo_n'kan tahe~kana. Nonkate dinkin khemaet' tahe~kana.

Onkin modre Ackage mit't_en ghar_wa Rajak' pha~ndrey at_kaoena. Becaria ar mit' ghar_wa gatetae bego_r mon asket'entaea. Ado_ban'caoe reak'e kurumut.uket'a. Rajak' gharon'jren hor_ko ja~ha~tinre ghar_wa ce~r_e~ khan'ca kho_nak'ko od.ok'kaea. Mit'din ghar_wa do_et.ak' ghar_wako tuluc'e gapalmaraoena, ar ban'caoe reak' ho_rko sendra od.ok'keta.

Enkathae dosar hilok' aema uta_r ghar_wa mit'te Raj gharon'jko sa-calaoena. Un jo_khenge Raj gharon'j hor_ko ghar_wako od.ok' mar_an'kedeaa. Khange sanam ghar_wa mit'te uni ho_r.ak' me~t'ha~ko t_hot.raokedea. End_ekhan bo_to_rte tharbasaoente ghar_wae ar.ak'kedeaa. Ado_gatetae n'amkedete a_d.itet'e ra_ska.yena. Enkate khula_sate or.aktkin uda_u rua_rena.

Me_skoc'

Me_skoc'

Sa~_he_t'em Hir_in' Lekhan-

Or.ak' ma_like go_c'ena. Ado_ona dukte cako_r ma ekal ka_uu.ra_uu.e rarak'kana. Kho_bo_r an'jo_mte ad_epaseren hor_ko he_c' jarwayena. Khan mit' ho_r. uni cako_re kuliyyede kana-

Ad_epase hor_: Ma_lik tam do_e cekalena bacha?

Cako_r: A.d.i disa. hara hor_e tahe~kana. Pase_c' calaoen n'inda. sa~he_t'e hir.in'leda.

Ro_ho_e Akat' Ho_r_o_ Khetre Dak' Ban' N'ante Bar Boeha Bis Jo_mtekin Gurena

Ho_r_o_ khe_tre dak' ban'kin n'amet' birud ten'go daram kha_tir bar boeha bis jo_mtekin gurena. Budhbar (23 March) n'inda. Godagari reak' Isanipur t.ot.hare noa ghot.na ghot.ao akana.

Nia. ghot.na khan Borendro Unnoyon ma.liki ren ga.hir no_l ren operator -e n'ir pharak' akat'a. Ona t.ot.ha ren A.diba.si santal talare kurud-edre do_janam akana mente bad.ae n'am akana.

Gur akan Avinath Mardi (30) do_upa.jila. Deopara union reak' Nabaibottola Nimghutu t.ot.ha Babu Chand Mardi ren Hopon kanae. Ar uniren Kaka khur_a boeha Robi Mardi (32) ho~ Ramek Haspatalre cikitsa. hatao oktegey gurena.

Ad.epase hor.ko bad.ae ocokeda, Budhbar (23 March) Khetre dak' hataoa mente bar boeha BMD ren operator t.henkin se_nena. Dak' tayom biskin chit.a.ua mentekin bad.ae ocokede. Menkhan Operator do_nonkae ror.rua.r.atkina, o_ho_ge dak'in' emkebena. Ma abenge noa bis jo_m bar.akak'ben. Ar sa_rige edrete ran'gao ban'kin sambr.aolet'te banar boeha biskin jo_mket'a.

Godagari thanaren bharapon a.piser (OC) Kamrul Hasan bad.ae ocokeda, Noa ghot.na tojbij la.git' a.n lekate bebostha hataok'a.

Onka leka ad.epase hor.ko modre Unnoyonkormi Catherine Hasda, prosason t.hen nonkae la.i so_do_rket'a. Dak' hataoa mente 10-12 din khonak'kin a.curok'kan enreho~ ghane ghaneko rua.r.kakin kana. Nonkan



Menkhan hud.in' machate hoeyen reho~ akhr.a talate gidra.ko
a.d.itetet'ko ra.ska.yena ar aema lekan cecet'ak'ko n'amket'a.
Ina.kate Mahasoe ko do_ akhr.are bachao n'amen gidra.ko talare kur.a.i
ko em hat.in'ket'a. A.d.i naepaete noa akhr.a hoe pura.uenā.

Sa_dhinota Ma~ha~

Tehen' 26 March mit't.en bises din metak'me sa_dhinota ma~ha~ kana.
1971 sermare tehen'ak' dinre got.a dha.rti rean' naksare nawa rajost.i
hisa.bte apnarte la.i so_do_rok'te ja.hirlena mit' disom, oka do_
Ban'gladisom. Ha.r.ia.r. hasa-bhit.are arak' je_n'ge_t' je_n'ge_t'
mayamte chikna. akan disom sa_dhin reak' 51 wak' ma~ha~ kana.

1971, 25 March a.d.i kar.an' kur.cun' n'inda. pa.kista.ni bahniko
ban'gla ren hor.ko cetandre ekal a.d.i ba.r.ic' ko beoharleda se_ko
hamlaleda. Bo_n'go_bondhu ho~ko giripter kedea. Enreho~ giripter
lahare 26 March par.aoen torage Bo_n'go_bo_ndhu Rahman Dhakare

Ban'gladisom sa.dhinota ja.hirlet'a. Ar ona la.i ja.hirket' katha Ban'gladisom selet' got.a disomre aema lekate porcar ehop'ena. 1970 sermare sadharon bac-bachao re Awami League ko jit'en reho~ Bo_n'go_bo_ndhu t.hen pa.kista.niko khemota ban' emkate ekal ban'gla hor.ko go_go_c'ko ehop'ena. Onkokoak' aso_l jo_stet' tahe~kana Awami League sa~o purub pa.kistanre tina.k' laha~t. se_ rajniti a.k'yur hor.ko menak'ko sanamko go_c' kako.

Bo_n'go_bondu giriptar lahare ac'ak' tahe~n t.ha~i Dhanmond.i khonak'ge sa.dhinota ja.hir ar ja~ha~leka katec'ge pa.kista.ni milimisia. ko birudre ten'go daram la.git'e metat'koa. Mit' okte son'bidhan turui ak' ta.lika.re Bo_n'go_bo_ndhu ak' la.i ja.hirat'ko sapr.ao se_ ona tabereko a.guket'a. Mit' bida.l jo_khen EPR-Transmit.er hotete got.a disomre sarsadleyena. Ina.kate Chot.ogram Redio center khonak' 26-25 March thor.a hor.ko mit't.e Bo_n'go_bondu se_c' khonak' sa.dhinota reak'ko ja.hirket'a.

Bo_n'go_bondu la.i ja.hirakat' damanak' da.lilre nonka ol tahe~kana, Pase_c' noa kangea alekoak' muca.t' katha. Tehen' kho_nak' Ban'gladisom sa.dhinena. Ban'gladisomren sanam hor.kon' neho~rape kana, ja~ha~rege menak'pe, ma cet'ko menak'tape onatege ma ten'go_ket.ejo_k'pe milimisia. ba.hniko birudre. Ban'gla disom auri rukhia. ar sa.dhin dha.bic' la.pa.r.ha.i calao idipe. Disom kho_n sanam pa.kista.ni do_kho_lia.ko laga n'ir kope. Sheikh Mujibur Rahman. 26 March 1971.

Meskoc'

Meskoc'

Kombr.oak' Ti reak' cikhna.

Polis ren maran' A.piser ac'ren Ha.bildare metaekana-

A.piser: Kombr.om sap' dar.eadea se_ban'a?

Ha_bildar: Ban'a, mahasoe! Menkhan kombr.oak' ti reak' cikhna.n' a.guakat'a darawakat'a.

A.piser: O_ko_r okare, thor.an' n'e_l legalege?

Habildar: Mahasoe, nok'oe in'ak' jo_hare!

Kanyashree Cup ko jitaena SSB phutbol kelab Tournament re soros ayuric' Du'lar Mardi

Mon'go_l hilok' (22 March) Southern somiti birudre 1-0 pharak go_lte SSB ko jita_uena. Nia_ghalok' mit' lagaote bar sermako jitena SSB club. Mukhomontri Momota Banerjee ak' sosolhate calaoen serma khonak' Calcutta Women League rean' namdak hoyena Kanyashree Cup mente. Pa_hil bar sema Cup ko ha_rjon'ana SSB.



Enhilok' so_ro_s khelwar. hisabte Ranjita Devi bachao n'amina. End.ete 10 hajar ka.ud.i, mit't.en trolley beg ar ona sa~ote d.ulun' ga.d.iko emawadea. Ina.kate khila.d.re so_ro_s go_ldata hisa.bte Southern somiti ren Mina Khatun Ho~ kur.aiye n'amkeda. Onkaleka

khila.d.re so_ro_s go_lkeeper hisa.btey bac-bachao ocoyena Kalighat Sports Lovers Association re_n mit' khelwar. Rani Bhowmik.

Arho~ noa khila.d.re so_ro_s a.k'yuric' hisa.bte SSB re_n Dular Marandi bachao n'amana. Ona kha.tir mit't.en so_na mala ar hond.ar ga.di sandese n'amana. Jita.u akan do_lko 25 hajar ka.ud.i ar cup Orup Bisas do_e em calat'koa. Noa kur.a.i em hat.in' okte selet'e tahe~kana Jdobburren Bidhayok Debabroto Mojumdar, Mokundopur t.ot.ha ren Counsilor Ananya Benarjee. Ina.kate selet'ko tahe~kana IF ren sabha mukhia. Ajit Benerjee, Socib Joydeep Mukharjee, Mohonbagan ren tayom daram socib Debasish Dutto. Maran' Sponsor Sister Nibedita University (SNU) sec' khon Ena Boss ho~ selet'e tahe~kana.

Toyo Ar Ka_hu~wak' Go_lpo_

Mit'ten Ka_hu~ dare da.rrey ap' akana. Ar mocaretae mit' kut.ra.je_l. Ado_Toyo do_ona ar.etege calao jo_n'kan tahe~kanae. Khange ren'gec'kede khan a.t n'am bar.aeye kurumut.uket'a. Hudis anae ban'ma cekate noa je_l kut.ra.n' hataojon'a mente. End.ekhane hudis n'amana, ado_Ka_hu~ se_c' a.d.i ma.hi~r salak'e ben'get' rakap'ket'a. Khange memene po_rto_nket'a, E boeha n'elok'te a.d.igem mon'jgea. Amak' hor.mo ar me't' mut.ha.n ekal sajabo akantama. Ce~r.e~koren Raj hoyok' ja.rur.kantama.

Me_nkhan amak' ar.an' ho~ mut.ha.n leka hoelen khan, sebel-so_r.o_m end.ekhan a.d.i boge hoekok'a honan'. Menkahn hae! et.ak' ce~r.e~ciprut'ko leka o_ho_gem seren' dar.eak'a! Toyo ak' nonkan kathate Ka_hu~ bae hape tahe~lena. Ekal hula.s sa.hna.sate rarak'e ehop'keda, Ar n'elme Ka_hu~ ak' moca kho_n je_l ma n'urha. go_t'ena. N'urha. torage calak'-ca.tur Toyo ma ekal je_l kut.ra. ge_r katec' da.da.r.e dhura.vena.

Sikha.una: Aema lelha hor.koge menak'koa, o_ko_e do_hor.ak nonkan kathate bula.ukate, nijak' so_mpo_t khonko er.an'o_k' kana.

Santal Atoe Hirikeda British Deputy High Commissioner Ar Enec'rey Selet'ena

Dhaka rey bahali akan Deputy High Commissioner Javed Patel do Gaibandha rean' Kamdia ar Katabari union re mimit' santal t.ota ha 21 ar 22 March e- hirikeda. Ar un jo_khenge Deputy High Commissioner ar sa'otenko santal maejiukoak' legcar-paltur enec'reko selet'ena.

Hor.ko la.git' Foundation ar U K-Aid ak' go_r.o_ go_po_r.ote ad.epase besorkari unnoyon songstha 'Obolombon' santalkoak' a.ida.ri ar lahanti kha.tir "Drive Toward Empower Ethnic Peoples" project ko benaoda. Noa project hiri la.git'teko he_c'lana.

Obolombon a.pis re 'Gaibandha jila. lahanjar re, j.a.ti-gost.hikoak' khe_mota: ekr.ar. ar o_psor babotre gapalmaraore santal ja.ti-gost.hiak' a.ida.ri ar jion jingire lahanjar la.git' cet' cet' dahpko hatao akana Ar ona sa'ote tayom daram cet' ko cekae hoyok'a nonkanak'ko gapalmaraokeda. Un okte Changura atore santal maejiuko a.d.i jo_mkaoate enec'ante per_ako atan' daramket'koa.

Noa laha noko per_ako man-manotket'koa, Obolombon ren sabha mukhia. Sadequl Islam, nirba.hi se_maram' a.k'yuric' Probir Chokroborti, A.divasi ban'gali son'ghoti porisod ren convener Adv. Sirajul Islam Babu ar Sahebgonj Baghdafarm bhumi udhar songram committee ren sabha mukhia. Philemon Baskey. Ona okte santalkoak' ma_nmi a.ida.ri ra.khi jogaore a.depase civil society reak' aema lekan dhap hatao babotre per_akoko mone moruk'keda.

Rajshahi University Re Hoyena A .diva .si Pa .t .hua . Gidra .koak´ Maran´ Sikhna .t Babot Cepec´ Sabha, Nawanko Atan´ Daram Ar Bida . Akhr .a

Rajshahi University re hola so_mbar (21 March) hoyena a.diva.si pa.t.hua.gidra.koak´ maran´ sikhna.t babot cepec´ sabha, nawanko atan´ daram ar bida.akhr.a. Enhilok´ setak´ 10 baja okte Robindronath Thakur Academic bho_bo_n re maran´ per.a hisa.bte selet´e tahe~kana professor Golam Sabbir Sattart.

Ar ina.chad.a ho~ noa akhr.are selet´ko tahe~kana Professor Chowdhuri Md. Zakaria, Professor Md. Sultan-Ul-Islam, pa.t.hua.gidra.ko ren porames-a.k´yuric´ M Tareq Nur, Proctor professor Md. Asabul Hoqe, Jonoson´jog daptor ren prosasok professor Prodip Kumar Pandey.

A.diva.si Students Association Of Rajshahi University (Asaru) re_n sabha mukhia. Sylvester Rubel Murmu ak´ a.k´yurte noa akhr.a do_hoe pura.vena.